

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقذر.
[ایضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر،
§ آدرس تبدیلنده قرق پاره ملک
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یازیلر
احاده اولونماز.



سرایط ۱۳۳۰

دینی، علمی، ادبی، سیاسی هفته لک مجموعه اسلامیه در

اخطارات

رساله مزدن آلدیغی کوسترملک شرطیلله
بتون یازیلر هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسی محتوی
بولونمسی؟

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

عدد ۲۵۲

۵ شعبان المعظم ۱۳۳۱

پنجشنبه

۲۷ حزیران ۱۳۲۹

جلد ۱۰

سبیل الرشادك عظيم ومهم بر تشبثی:

اوروپاده تتبعات ، اوروپا علما و فلاسفه سیله تأسیس معارفه

سبیل الرشاد ، کچن سنه انتشار ایدن ۲۰۹ نومرولی نسخه سنده قارئلرینی سطح ارضك قطعات مختلفه سنه طایغلمش اولان دینداشلیرنیك احوالندن خبردار ، جهان معرفتک ترقیات حیرت بخشاسندن علاقه دار ایتک اوزره ؛ بر طرفدن عالم اسلام ، دیگر طرفدن جهان مدینتله یقیندن معارفه تأسیس جالیشه جغنی وعد ایتشدی . بو وعده یزك ایفاسنه دوعری بر خطوه آتمش اولق اوزره کچن سنه هندستان و بلغارستانه برر مخبر اعزام ایتشدک .

روم ایلی بی آل قانلره بویان فاجیات اخیرک مقدمه سوزشاک بلغارستانده ساکن دینداشلیرمیزی ازمکه باشلادیغی ائشاده اوراده کی مخبریمزده تعقیب و رصد تهلاک سنه معروض قالمش ، پنجه لرندن معصوم قانلری آقان او قورقونج مملکتده آرتق حیانتک تحت امنیتده اوله میه جغنی حس ایدرک بلجیوریه وطنه دوئمشدی .

فقط شرقه کیدن مخبر ، سوریه ، حلب ، بغداد و بصره طریقله سیاحتده دوام ایدرک اخیراً سالملاً هندستانه موصلت ایتشد . هند مخبریمز توفیق بکک ائشای سیاحتده اوغرا دیغی محملرک احوال عمومی و حیات اجتماعی سنی نه قدر نافذ و شمولی بر نظره تدقیق ، نتیجه نتبعاتی نه درجه رنگین بر اسلوب ایله تصویره موفق اولدیغی محترم قارئلریمز پک کوزل تقدیر بیوردرلر .

توفیق بکک عراق مکتوبلری ، سینه پریشاننده ماضیک شالی دورلرینه عائد یغین یغین خاکستر تمدن کیزله یز الجزیره حوضه سنه دائر ساده فقط بلیغ برر لوحه عبرت و انتباه عد اولنه بیایر . شمعی به قدر محیط اجتماعی مزه مجهول فالان بواوزاق فقط استقبالی پارلاق دیارلر امید ایدرک بوندن صوکره داها چوق بر علاقه ، داها درین بر انتباهله حکومتک نظر حمایتکار و حاکمیتی جلب ایدر .

مخبریمز هندستانه موصلت ایش اولدیغندن آرتق بوندن صوکره قارئلره جهان اسلامک بزجه هنوز لایقیله طایلمامش ، بزى شمعی به قدر پک آز علاقه دار ایتش بر محیطه شرق حار و اسرار انگیز ، فقط رنگین بر دیارینه دائر عبرت انگیز لوحه لر عرض ایده جکدر .

بومقام خلافتده بو قدر جرائد اسلامی انتشار ایتدیکی حالده شمعی به قدر هندستانه بر مخبر اعزامنه تشبث ایدیه مه مسی ، عالم اسلامه قارشى کوستردیکمز لاقیدینک نه قدر کولکنمش ، نه قدر کولکنمش اولدیغی پک کوزل کوستریوردی . سبیل الرشاد بودجه سنک طارلغه باقیه رق ، فقط قارئلرینک توجهاته کوه نه رک بر چوق فداکارلقلر اختیارله بویالک خطوه یی آتمه موفق اولقله مقام خلافتده انتشار ایدن مطبوعاته عائد مهم ومبرم بروظیفه یی ایفا ایتش اولدیغنه قناعت و بونکله افتخار ایدر .

هندک آتشین ساحلر نده ، همالایانک برف آلود یاما جلر نده ساکن ملیونلرجه دینداشلیرمیزک حیات اجتماعی و ترقیات فکریه لرندن بی خبر قالمغه رضا کوسترمک ، شو عصر مدینتده بزدن باشقه هیچ بر قومک حوصله ادراک نه صغیشه میه جق بر حال عجیبدر . هندستانده ساکن ملیونلرجه انسانلر ، قلباً ، وجداناً ، روحاً بزه قارشى هر تورلو غرض و عوضدن عاری صمیمی بر مودت ارازندن بر آن کیری قالمدقلری ، الاوافق بر فرصت ظهورنده شان خلافتک محافظه و صیاتی ایچون استانبوله اتکلر طولوسی لیرلر . کوندرمکدن چکیمدکری حالده بزم اونلری آریوب صورما مه من ، حتی بر پیام اخوت ایصاله چالیشما مه من پک بویوک بر لاقیدی . حتی بلکده عفو ایدلمز بر اهانت اولمزمی ؟ بوجهتلری نظراعتباره آلان سبیل الرشاد ، او اوزاق دیارلرده چاربان صیجاق قلبلره ؛ هیچ اولمزه ، صمیمی و حرمتکار بر سلام اخوت ایصال ایتک ، بزمده کندیلرینی اونو تمدنیمیزی آکلاقمق اوزره ، توفیق بکک اورالره قدر اعزامنه قرار ویرمشدی .

فقط بزمده مدنی بر ملت صفتیه جهانندن بر نصیبه هستیمز اولدیغی کائناته اثبات ایتک ایچون ملل مترقیه نک سیلابه ترقیاته قارشمق مجبوریتده اولدیغیمیزی ده بر آن خاطر دن چیقارما مق لازمدر . بوامنیه نک حصولی ایچون یالکز شرقک تتبی ، یالکز عالم اسلامک تدقیق ، یالکز آسیا ایله بر معارفه تأمین طبعی کفایت ایتمز وایه من . غربک تتبی ، مدینتده بزى فرسخلرجه کچمش اولان آوروپالیرکده یاقیندن تدقیق لازمدر .

سبیل الرشاد - که یکانه املی مسلمانلرک فکرآ ، تجارة ، صنعة ، ترقیسنه چالیشمق ؛ غایه امیدی بلاد اسلامییه یی رنگین ، مسعود ، بهشتی منظرده برر معموره کورمکدن عبارتدر - قارئلرینه باشقه جهانلرک ، مدینتده ، علم و معرفتده ، صنعت و تجارتده ، ثروت و سعادتده ایلری کیتمش دیگر عالمرک احوال علمیله لرینه ، ترقیات فکریله لرینه ، کشفیات فنیله لرینه دائره معلومات ویرمکی کندیسنه بروظیفه مهمه عد ایدر و ایتشد .

فقط غربی نصل کورملی ، ترقیات غربیه یی هانکی نظره تتبع ، آوروپانک نه کی شیرینی تقلید ایتلیدر ؟ آوروپانک ، بالنسبه آز بر مدت ظرفنده ، حیرت بخش بر سرعت برقیه ایله تکامل و ترقیسی شبهه یوق که درین واساسلی تحولات فکریه

نتیجه سیدر . فقط به تحولات نه صورت له حصوله کیش ، غرب نه بولده ونه کبی عوامک تأثیر یله تکاملدن تکامله قوشمش ، ساحه ترقیده غربیلره رهبرک ایدن بویوک دماغلر فصل جالیشمش ونه کبی وسائله خلقک انکشاف فکرینی تأمین ایتمشلر ؟ آوروپانک رنکین و دلربا فقط زهرناک چیچک لری حقیقی وفائده لی شکوفه لر دن نه صورت له تفریق ایدیله بیلجک ؟ ایسته بونلر مغلق اولدوقلری قدر بزم ایچون سربعا حل ایدلمک محتاج بر طاقم مسائل حیاتیه در . بومسئله لری حل ایدرک ملته شاهراه سلامت و ترقی بی کشاد ایده حک منفکر دماغلره ، اوترقینک صفحات تعالیسی تصویر ایده حک فیاض قلملره احتیاج واردر . بوظیفه ، لاعلی التعین هرکسک ایضا ایدمه یه جکی قدر آغیر و مشکل برایشدر .

شرقی آکلامش ، علوم و مدنیت شرقیه نک غواءضه نفوذ ایتمش ، اخلاق و عنعنات ملی مزی دریندن تتبع ایدمه بیلشمش متفکرلر غربی کزملی ، غربک آثار مدنی و صناعیه سی ، مؤسسات علمیه و فنیه سی ، اخلاق و اعتیاداتی پرستشکار و قاشمش بر کوزله دکل ، مدقق و تنقیدکار بر نظرله تتبع ایتلمکله محصله فکریه لرندن ملته امین ونورلی بر طریق مستقیم آچیله بیلسون ! بویک اعظمک نتیجه تفحصانیدرکله بزم غربی ماهیت اصلیه سیله کوستره جک ، آوروپادن نه کبی خصوصاً استفاده ایتکلکمز لازم اولدوغی بیلدیره جک . آوروپالیلری زمرله قدر تقلید مجبور یئده بولند یغمزی و قوفکار و نقاد بردها ایله تعیین ایده جکدر . آنجق بوسورتله درکله ملته ساحه تکامله دوعری بر خط حرکت کوستر یله بیلیر .

بر طرفدن کابوس جهلک کثیف و ازیجی ثقاتی آلتنده ایکله یین . دیگر طرفدن عطالت و سفالتک خونین دیشلری آرمسند دیدیکله یین بدبخت یوردیمزک یوقسوللقلرینی ، متورم کتله مزک بر نفخه زندگی به اولان احتیاجاتی دوشوندیکمز ایچون بودفعه ده بودجه مزه نسبتاً پک بویوک بر فداکاراق اختیار یله آو و پایه متفکر بر عالم کوندرمک قرار ویردک و بومهم وظیفه یی غزته مز هیئت تحریریه سندن فاضل محترم فریدبک افندی به تودیع ایتدک . قارئین محترمه نک غزته مزه قارش کوستر دکلری توجهات بزمه بو مصرفی تشبثانده بولنق جسارتی بخش ایدیور . امید ایدیور زک ملتک سعادت و سلامتی دوشون هر مسلمان بو کبی تشبثاتک عقیم قلمه سنه رضا کوستر میه جک والدن کلدیکی قدر بزمه توحید مساعیه غیرت ایده جکدر . فریدبک افندی کچن هفته صالی کونی مارسیا طریقله یارسه متوجهاً حرکت ایتمشدر . اوراده کی تبعاتی کمال ایتدکن صوکر اناشالله لوندر یه ده کیده جکدر

فریدبک افدینک آثارینی اوقویانلر ، کندیلرینک بو ایشک نه قدر و قوفکار و فاضل براهلی اولدوقلرینی تصدیق ایدرلر . قطباً امید ایدیور زک فنی و فلسفی مصاحبه لر مؤلف فاضلی معلوم اولان اسلوب بدیعه نماسیله بزمه غربک آفاق عرفانی آچه جق ، سرائر ترقیاتی کشف ایده جک ، سونوک وامیدسنر کوزلره بر جهان علم و عرفان ، متردد آیاقلره بر شاهراه تکامل کشاد ایده جکدر .
ومن الله التوفیق

مرافعات دینی :

خطبه ل

کنه یولی طاسبانه مقدره فطره

« مابعد »

« ایدمی نوع بشره بر وصی نصب و تعیین بحجاب ایدن سببی اوکرشمش اولدینکزدن مساعده کزله بووصینک کم اولدوغی سزه خبر ویمیم . وصی عیسی المسیحدر . روح الله و آنک کله سیدره . نطفه بشر اولانسرین روح القدسک قوتیه کندیسنه حامله اولندی . بوانسان کامل اولوب طبیعت خاطئه دن وعلی الخصرص خطاکار طبیعتدن نشئت ایدن افعالندن معصومدر . »

عجبا بو انسان کامله طبیعت ائمه والده سندن انتقال ایتدی ؟ البته طقوز آی رحم مادرده آنک قانیله تربیه اولدی ؛ آندن کندوسنه انتقال ایتسی لازم کزیمی ؟ آنی الله کندی روحیه تأیید ایتدکنندن مصون قالدیغی ادعا ایدرسه کز آدمی ده کندی روحیه تأیید ایتدیکنی بیان ایدرم .

« ای اخوان ، سزه جائزدرکله بونی قرآندن اوکره نه سکر ، زبرا قرآن نه قدر جوق دفعه مسیحی تمجید و قدرینی ترفیع و اولا وحتی آنی روح الله وکلمه الله تسمیه ایتش و آنی بتون ادوار حیاته ده بشردن و جمیع انبیادن تمیز و تفریق ایتمشدر . »

قرآن کریم یالکیز حضرت عیسانک دکل دیگر نیجه انبیانکده قدرینی ترفیع و اعلا ایتمشدر . ذاتاً انبیای سالفه حقنده الک طوغری خبر ویرن الک موثوق کتساب قرآندر . هر ایکی طرفک آلتده بولان کتابلرک تدقیق موثوقیتله مقایسه مندرجاتی انسانه حیرت ویرر . لکن « لافرق بین احد من رسله » (بز اللهک رسوللری ییننی تفریق ایتمز . بقره) آتی میدانده ایکن عیسایی جمیع انبیادن تمیز و تفریق ایتش اولدوغی حقنده کی ادعا کز مسموع اولماز . سورة مریمده بعض انبیا حقنده انیان بیوریلان اوصافی ایراد ایده لمده کوریکز . « یا یحیی خذ الکتاب بقوة و آتیناه الحکم صیبا و خاناً من لدنا و زکوة و کان تقیاً و براً بالوالدیه و لم یکن جباراً عصیاً و سلام علیه یو ولد و یوم یموت و یوم یبعث حیا » (یا یحیی کتابی قوت ایله اخذ ایت بز یحیایه صبی ایکن حکمت اعطا ایتدک . نزد الوهیت مزدن اکا رقت قلب و خلقدن مدح و ثنا ویردک ، تقوایی کندینه اشعار ایدندی . والدینه اطاعت و احسان ایدوب اطاعتسز و عاصی اولمادی ، طوغدیغی کونده غمز شیطانندن ، وفاتنده عذاب قبردن ، قیامتده خوفدن سالم اولدی) . ابراهیم حقنده « انه کان صدیقاً نبیاً » موسی حقنده « انه کان مخلصاً و کان رسولاً نبیاً » ادريس حقنده « انه کان صدیقاً نبیاً و رفغناه مکاناً علیاً » بیورلمشدر . « زیرا جمیع کتبک شهادتیه و شهادت صریحه ایله و ترآنک دخی شهادته کوره هر پیغمبر و نبی کنه ایدمش و توبه ایتسی اوزرینه الله آنک کنه یوکنی رنج ایتمشدر . »